

明清兩代

輶聞大觀

二卷

上海國華書局印行

明清兩代 軼聞大觀

毘陵李定夷纂

## 第一編 明代

### 卷三 烈女列傳

#### ●戴可則妾

李儼戴可則妾金陵人。明亡可則殉節。儼爲女道士入王屋山。後不知所終。有霜猿集序文一篇。一時傳誦。霜猿集者計共二卷。內容爲詩百二首。絕類崇禎宮詞。有明衰亡之狀。歷歷如繪。題華陰道隱具草。想明末孤臣之以隱遯終者。作此以寄麥油禾黍戚耳。序文云。殷之亡也。朝宗興麥秀之歌。周之衰也。行役起黍離之嘆。迺若王臣不返。沅湘之悼。何深。公子無歸。虞夏之懷。彌篤詩吟。而甲子成編。采菊完柴。桑之節。嘯罷而廣陵乍操。鼓琴寄中散之思。此數君子者。皆值宗國之淪亡。遇故都之傾覆。啣哀結鬱。爲詩歌者也。屬當明季。喪亂滋多。迺聖迺神。四海扼沉淵之痛。吾君吾后。千秋餘殉國之香。此開闢未有之奇聞。書契絕無之創。事天產哲人。賦才獨異。文章軼駕於南華。疑

莊生之再見風雅追蹤於西楚信屈子之復來爰讀霜猿之二卷如聽月峽之三聲其志切其音哀其志切故字字發乎深情其音哀故言言可以長慟方之少陵詩史彼略而此詳比之尼父麟書貶多而褒少儻名閨弱質相府小星際此天傾地陷赤伏無再驗之符遽而家破人離素鏡絕重圓之照樓名亂子與亂俱樓院鎖梨花比花更碎爰迺黃繩入道素簡朝眞初上蒲團卽悟三生之果不登法座焉知衆妙之元倚碧窗而吹笙鼓瑟青鳥來庭入丹山而翫草尋芝白猿引路固將長往紅塵安神雲岫何幸親承紫氣獲觀瑤編本以忘身忘世之心又生悲國悲君之念微吟簷下淒淒風雨之忽臨高詠燈前冥冥鬼神之交泣嗚呼先帝后之陟降非遙應鑒孤臣之至意家相國之精靈如在豈憎賤妾之多言（金勵生）

●拳師女

黃如虎羅店馬橋人以勇稱善技擊里中少年之學其技藝者常二三十人弟子咸有名於時後爲鏢師者四五年一日衛贊北上路遇一童子騎驢蹣蹣其後以鞭抵如虎如虎却立則又抵之如虎曰頑劣兒汝將何爲童子曰我足跡遍黃河南北咸如是汝何

如者如虎。初不欲與較。既而忽大怒曰。頑劣兒。敢爾耶。如虎卽以兩指按童子背。頗覺堅硬。異之。童子受按時。覺指堅如鐵。軀微縮。知如虎爲南方健者。亦異之。乃相謂曰。吾輩不宜試。試必有一死。乃相揖而別。自後如虎遂家居。不復爲鏢師。聚其妻女。設酒肆於羅店。人有請示武技者。則謝以不敢。或以所遇童子事告之。在家惟以技術授其女。且謂曰。吾生平以武力自豪。幾致受挫於童子。本不宜再授汝。以拳技無奈流賊蠭起。天下騷然。保衛地方。吾等之責。吾今授汝拳技。實爲將來保衛地方之計。汝能不負所學。吾願足矣。女名蘭秀。亦生而多力。能以隻手擎六十斤之鐵棍。舞動如飛。如虎夫婦鍾愛之。幼時見如虎授藝。時女輒窺於旁。神解妙悟。出里中少年上。外壯諸法早已遍習。今如虎所授者。內壯法耳。同里武庠生陳武超者。本其入門弟子也。欲聘蘭秀。以意示如虎。夫婦如虎夫婦愛陳武超之勇。且壯。乃許之。甫結褵。而滿人入主。如虎遂與其增從羅店。唐景曜荷戈起事。黃公淳耀慕如虎之忠勇。乃命守嘉定城外之葛隆。蘭秀亦聚鎮中女子數十人。合爲一軍。日夜率之巡邏。以輔守兵之不逮。每有戰事。蘭秀必衝鋒冒陣。滿兵常被擊殺。於是滿兵一見蘭秀。卽蹙額相告。謂女將軍可畏也。一日李

成棟又發兵五百餘人來攻羅店。唐景曜卽命武超夫婦迎擊之。武超夫婦以二百人作半圓陣圍敵。攙陷成棟軍。猶如拉朽。後聞葛隆已破如虎。不屈死。蘭秀大爲悲慟。乃告將士曰。今葛隆已破。吾羅亦甚危險。諸位若不一心殺敵。則大事去矣。苟欲爲順民者。請開柵以出兵士。咸大怒。羣擊殺宮宇。蓋宮宇爲吳宏宇同族。時宏宇已降北宮宇。懷貳心。已非一日。景曜知之。武超夫婦亦知之。徒以大勢已去。遂不欲深究。不謂鄉兵之竟忠義如斯也。武超見狀。乃大喜。遂犒兵士以酒肉。無不氣壯百倍。大有滅此朝食之概。明日成棟又率兵圍攻羅店。武超率四百人迎擊於羅店五里外之蕩葦橋。成棟僞爲退却。武超不知其計。遂孤軍深入。及攻至敵營。伏兵四起。血戰一晝夜。死傷甚衆。方欲拔隊以歸。而蕩葦橋已爲敵兵阻截。敵兵見武超弓矢齊發。矢集於身。如蠅武超至此方知中計。然已無及。乃力斫十餘人始死。滿兵既敗。武超乃直逼羅店。蘭秀痛父與夫之死也。乃於夜間率鄉兵數十人直入敵營。滿兵不及備。遂宵遁。獲輜重糧食甚夥。乃運回羅店。景曜大喜。以爲恢復曙光從此現矣。三日而成棟大舉圍攻蘭秀。開柵門迎擊。祇以

寡不敵衆。遂被擒。成棟見蘭秀之貌美有力。欲妾媵之。蘭秀見成棟。卽大罵曰。奸賊。始我以汝爲人也。而竟棄順效逆。殘害同胞。以邀滿人之寵。我父死。汝手我夫死。汝手吾安。獨生成棟。左右拔劍叱曰。汝再罵我大人者。不謂我等劍鋒之無情也。蘭秀亦罵曰。小奸賊。敢爾耶。我爲黃如虎之女。陳武超之妻。豈亦世間畏首畏尾之弱女子比乎。成棟左右聞言。咸肅然起敬。仍不加害。乃禁錮之。與之食。不食。與之飲。不飲。惟大呼殺我。而已。越日。遂卒。成棟左右之見之者。咸爲揮淚。皆曰。烈女。烈女。云。（朱劍山）

### ●楊漣之醜婦

曩聞吾師胡守帆云。明楊漣之婦。貌奇醜。而賢淑甚。余當時不敢深信。師曰。孟光無殊色。梁鴻娶之爲婦。承彥生醜女。孔明亦娶之爲婦。惟大賢乃能娶醜婦。文孺爲明末氣節之士。故亦能之。因錄之以告世之娶醜婦者。

初大姓有女。醜甚。面貌黝黑而多麻。兩眼盲其一。頭則禿而無髮。年二十。無問名者。然其學問。則曹大家蘇小妹莫以過。楊公知其賢。乃娶焉。時人咸非笑之。楊公正色曰。此我楊氏之賢婦。他日當與某名垂千秋。楊公當時雖有此言。而人莫之許。時公除兵科

給事中。目見魏闢專權。時爲嘆息。且曰。國政如此。尙得爲國乎。婦謂公曰。國政之不良。在官者皆有疏諫之責。夫子爲在官者之一。當勉爲之。苟疏諫有效。國政改革。固可名揚當世。苟因而得禍。則流芳千古矣。公曰。固我意也。乃刻其硯曰。殘月幾幾。太白幾幾。雞三號。更五點。用汝抄疏。擊大闢。功成策汝。功不成同汝。貶後公竟劾魏闢二十四大罪。魏闢乃嗾使其黨徐大化。劾楊公黨同伐異。招權納賄。下詔獄。未幾遂遇害。公家貧。無以殯。歛鄉人競出資助之。卽下至輿夫走卒。亦樂爲輸助。及葬。事畢。婦乃撞死墓旁。鄉人之視婦。仍如公也。此事爲史所未載。頗堪稱述。今特誌之。(朱劍也)

●皂隸婦

順治初。自嘉定黃淳耀江陰闖典史失敗後。謀起兵爲明恢復者。尙有其人。而最有義氣者。莫如唐明傑。明傑者。唐景曜之猶子也。時年不過二十有五。少以氣節自持。能急人難。博通今古。學有淵源。痛明室之覆亡。乃絕意文字。專謀恢復。常集鄉中少年。曉以大義。少年曾受其恩。咸樂爲用。刺臂誓死。後以事洩。有司掩捕之。明傑以主謀棄市。從者得免死。時明傑之父若母。皆已前卒。家惟一妻。妻氏朱。儒家女也。子名明生。年祇五

歲生於宏光己酉之年。取名明生。示不忘明也。照例妻子當發極邊。是年適值縣韓黃方義值解。方義素好義。高唐明傑之忠義。欲保全其妻子。顧身爲皂隸。雖有此志。而無其術。居家不言。亦不笑。惟嘆息而已。嘆息之不止。甚或繼之以淚。下其妻胡氏怪而問。故方義曰。汝婦人安知丈夫事。即使汝知。又何補於我。無補於我。不如不言。胡氏曰。子以婦人輕視妾耶。妾雖婦人。亦知大義。或且能勝於男子。子竟以婦人輕視妾耶。方義曰。明傑爲羅店大族。其人忠貫金石。義薄雲天。今不幸以國事棄市。妻子何辜。乃亦罹此厄。難吾不忍。忠臣妻孥之流離轉徙。欲保全之而無術。吾妻於意云何。胡氏曰。此義舉也。得一人代之足矣。方義曰。代之者。又安所得。胡氏笑曰。是何難。妾亦能之。方義聞言。卽起立致敬曰。卿戲我耶。抑真有是心耶。胡氏正色曰。茲事體大。豈可戲言。方義頓首謝曰。卿眞賢哉。然膝下之黃口兒女。如何。胡氏曰。吾姊自幼與妾相得。告之以故。以兒女托之。彼必善視之。方義卽以其五歲之子。四歲之女。托其姨。姨誓曰。妾若不護兩兒。以長成者。萬劫不復爲人。旣又以此意告明傑妻。使攜子匿母家。幸勿外洩。明傑妻感方義恩。贈以白金二百。作爲路費。方義夫婦卽束裝就道。每經郡縣。就驗。則儼然官

役解犯婦也。夫婦雖飽嘗風霜甘之。不厭。二年餘抵徒所。胡氏以病死。邑人感其義。爲之贖骨以歸。（朱劍山）

●燕娘

燕娘秦姓。蘇產也。父潤甫。買於揚。遂家焉。宏光乙酉四月。揚州城破。滿卒橫行。大殺旬日。潤甫集壯丁若干名。與滿兵抗。斃滿卒一人。傷三人。於是滿兵大憤。集衆來圍潤甫宅。闔家罹於難。燕娘與父俱被執。衆擁至一滿囚。前囚高坐堂。皇歷數潤甫抗拒罪。潤甫申辨。囚怒甚。施以嚴刑。令左右推出斬之。分屍三段。血肉橫飛。燕娘目覩。心傷。欲哭無淚。滿囚既殺潤甫。豔燕娘色。含笑謂燕娘曰。汝家抗遠天兵。罪不僅在汝父一人。依法律汝當連坐。念汝翩翩弱女。特予優容。余本饒者。汝能從余。終當與汝共享富貴。汝意若何。燕娘俯首作含羞態。囚再詰之。燕娘赧然曰。固所願也。弗敢請耳。囚聞言喜。極設酒饌。與燕娘對飲。酒至半酣。燕娘櫻紅之唇。翕然顫動。欲有所言。而訥訥不出。囚問曰。卿意云何。何妨直白。燕娘曰。妾身已屬君子。矢志靡他。然草草苟合在妾。則跡類私奔。在君亦有損德。望斷斷弗可行。偷寬假之期。消吉成禮。君既出之。堂皇妾亦倍增榮。

幸寧不兩全。因曰：吾意亦云。卿真慧人。能先得吾心矣。言已。復殷勤勸燕娘飲。燕娘又乘機言曰：君與妾父論親。則泰山也。今妾備蒙眷愛。極荷寵榮。而妾父粉身碎骨。暴露郊原。勢將飽狐狸之腹。妾心奚忍。君苟推愛妾之情。惠及死者。斂妾父屍。俾免蠅蚋之嘬。非特妾感銘肺腑。卽妾父當亦啣緼結草於九京。因曰：此事甚易。卿勿慮。當剋期成事。以慰卿懷。乃命侍卒購棺盛斂。卜葬於城北三里許之虎頭灣。事已。因乃與燕娘行合卺禮。賓朋滿座。銀燭輝煌。頗極一時之盛。入夕。因仍置酒。偕燕娘飲。燕娘量頗不弱。飲數觥。弗醉。轉而酌。因見燕娘桃腮解語。杏靨生春。燈光照耀。美人顏色。益形媚膩。爲之魂銷。燕娘復頻頻勸飲。因興益豪。未幾玉山頽矣。橫臥合歡床上。沉沉入醉夢鄉。去燕娘私付曰：斯時不舉。更待何時。乃輕卸濃妝。踰至廚下。覓得廚刀一柄。猛力斫。因中其項。刀鈍。未能深入。因弗死。醒而怒極。奪刀斫燕娘。燕娘不能敵。遂遇害。棄屍於廁。可憐花容玉貌。竟葬身於污穢不潔之區。其死也哀。其志尤大。可悲矣。（楊藥聖）

### ●荷娘

荷娘。羅店唐氏婢。貌黑醜。爲人篤實不欺。及唐景亮兄弟殉節後。荷娘乃挈唐氏之子。

女逃匿於劉行北鄉之周家村。時唐氏子女年歲最長者。猶未逾十齡。男二。景亮子曰思良。年方十歲。景曜子曰思貞。年歲尤少於思良也。女一。爲景亮所生。年祇七歲。而荷娘則傭工於人。以爲唐氏子女衣食。或思良思貞無知。而與鄰兒鬪。則曰。主人爲明死節。何等忠義。汝等如此。唐氏何望。耶。間又泣述唐景亮兄弟死事之慘狀。思良思貞年雖幼。聞言亦爲悲泣。時鄰有陳明思者。鄉中積學士。方授徒於村。義荷娘之所爲。并哀唐氏之孤苦。乃令唐氏子就讀。而不取修金。唐氏二子。因以成學。唐氏二子年將弱冠。而荷娘死。臨死泣謂二人曰。婢子力盡矣。今且死。惟願汝等克承祖業。不墜家聲。死目亦瞑。言畢。遂死。思良兄弟哭之慟。以其屍骸葬之於先塋之側。今其墓猶存。(朱劍山)

### ●福王宮人

古人有言。寧爲太平犬。不爲亂世人。斯言誠非虛語。當南京將破時。福王聚樂戶及宮人千餘。焚之。宮中哭聲震天。耳不忍聞。有宦者戚某。不忍見宮人之死。救數人以出。出者咸帶金寶。污顏面。僞爲丐女。而逃。然宮人深居宮中。從未一行鄉野。其逃出時之狼狽狀態。可以逆知。有董宮人者。初與同伴轉輾行乞於蘇州。既而相失。後逃至外岡。行

乞於蔣祿家。祿子頌森。以其丐也。憐之。使人授以食。食既。又索衣。既衣。且不肯去。遂之。仍不去。曰。惟須一見小主人。則去。及頌森出。乃曰。爲我取手巾來。妾當一洗面上積垢。頌森奇之。如其所言。及洗臉畢。美如冠玉。白如羊脂。見者咸爲咋舌。頌森亦心動。宮人曰。汝等竟認我爲丐耶。具此姿首。必非丐者。此不待智者而知。妾見小主人仁厚。願託以終身耳。汝等竟認我爲丐耶。言畢。莞爾笑。蔣祿見狀。亦知非丐。乃留之。旋由鄰人作證。卽日與頌森成婚。宴爾之夕。笑謂頌森曰。夫子果以妾爲何如人耶。頌森曰。以意度之。當出自富家。而逃難來此者。宮人曰。非也。妾董姓。福主宮人耳。南京破時。易服逃竄。民間懼遭強暴。故自污顏面。以求一忠厚者而事之。適見夫子仁厚過人。乃有依托終身之意。不謂世多俗眼。不識人也。頌森聞言。乃下拜。女掖之使起。曰。在宮則尊爲宮人。今日則爲君婦。豈敢受君拜。言時。卽脫衣示。頌森見其腰纏藍布數重。頌森詫曰。此物何爲。曰。懷此數月。幸未遺失。卽去所纏藍布。則皆金寶。授頌森曰。可以奉舅姑也。於是蔣祿夫婦咸佩女。且加敬焉。(朱劍山)

### ●酒家夫婦

酒家傭者不知何許人。狀貌奇異。有勇力。於崇禎十二年正月。來羅店曹巷之一壺醉。爲傭。後一壺醉。主人因時亂。停止營業。傭乃繼之。迎其妻同居酒肆。肆中酒較他肆爲佳。而價則較賤於他肆。於是客之來者。踵相接。肆中幾無容足地。自是鎮中業酒之家。推傭爲最。旣而傭遣其妻攜一筐。往四鄉賣。買之者。無不稱美。鄉中婦孺皆樂與周旋。咸呼以傭媽。而傭媽亦因以自號。迨羅店拒守時。唐景曜數召之。令其出助軍事。傭曰。固所願也。惟吾肆營業正佳。不欲停歇。且成棟兵日來求飲。座常滿。軍中咸呼吾爲老實人。一旦停業。必滋疑慮。正欲藉此以挫折賊兵之勢也。旣不承命。敢忘大德。景曜知其爲有心人也。亦不欲強之。旣而成棟兵就飲傭家者。更多咸不疑其有他。日與狎旣而其妻亦日攜一筐。販醬成棟軍前。成棟兵見其爲傭婦也。亦樂與交易。不加禁止。亦以傭媽呼之。一日傭媽以巴豆研爲細末。雜之醬中。仍往軍前賣。醬成棟兵不疑其有他。仍買其醬。是日傭媽遂急告唐景曜。發兵擊成棟營。并告以故。景曜大喜。乃星夜發兵以攻之。成棟聞警。立命發兵迎擊。而兵士之染痢疾者。幾半。時天氣炎熱。痢疾盛行。成棟亦不疑也。遂急率其精騎三百人而遁。是役我軍大獲勝利。然成棟兵所染痢

疾非痢疾也。因食巴豆之醬耳。又數日。成棟率兵八百人營於距曹巷二里之陸家橋。而兵士咸聚飲。傭家無不磨拳擦掌。咸謂明日當大舉攻羅傭。爲不聞也。者兵士出肆傭。遂往景曜處告變。并勸景曜即日進兵。而告以却敵之故。是日傭取陳酒數甕。雜以樟腦。提送成棟軍。并謂大軍久居是巷。秋毫無所犯。小民無以報德。乃代表全巷人民。謹奉黃酒數甕。聊表微意。成棟喜而受之。傭回。遂闔門歇業。往見唐景曜曰。我今願爲前驅。誓滅此賊。遂率鄉兵攻成棟營。成棟望見我軍急命將士迎擊。而將士之飲酒者。咸昏醉不能起。成棟始覺傭所送之酒有異。既又見傭爲前驅。乃更疑之。成棟不得已。率其近衛軍士之勇壯者三百人接戰於野。轉鬪十餘里。我軍矢盡而敵之援兵又陸續至。遂大敗傭。因自刎面抉眼以死。成棟暴其屍數日。醬媽聞之曰。殆吾夫歟。立至成棟軍前。則死者果傭也。伏屍哭極哀。曰。是軍中所謂酒家老實人也。成棟軍士咸怒目叱曰。此人反覆無常。即不自殺亦早嘗吾等之白刃。老嫗敢來讖之。豈不畏死耶。嫗曰。吾夫忠義人也。不若汝大將李成棟者。叛明降滿。甘助異族賊也。今吾夫爲國而死。我奈何畏沒身之誅。終滅吾夫之名。而不一臨視乎。乃大呼天者三。自刎於傭之旁。朱

## ●錢湖女俠

去吾甬數十里。有東錢湖。山水環抱。林木蔥蘢。甬東之名勝地也。同治中。葉先大父曾館其地。某紳家。每當春秋佳夕。邀二三知己。月下掉小舟。游覽其中。湖光山色。幽蒨宜人。頗足償烟霞夙癖。湖旁土地膏腴。兼含沙質。六七月間。鄉人多種瓜。味清脆。爲各地冠。消暑之佳品也。時正秋初。炎威未褪。雖月明露零。清風送爽。足以稍殺其勢。而頰背間汗猶刺刺不休。朋儕輩思購瓜數枚。浮水以消暑。夜因相將舍舟而陸焉。步行方數武。忽聞吟聲隱隱。自竹籬茆舍中出。靜聽之。杜工部國破山河在。城春草木深。句也。先大父性好。奇以夜深人靜。有此蒼涼悲壯之音。意必有高人逸士。隱迹其間。異而迹之。抵一家門。見荒廬半畝。柴扉虛掩。一蟠然老者。閒步庭院。對月長吟。衆推扉入。謂曰。先生高潔士。長夜無侶。孤吟自賞。清興洵不淺哉。老者見客至。雍容問訊。坐次出瓜餉客。各展姓氏。老者自言黃姓。先世餘姚人。從外族遷徙至此。與之談議論。風生娓娓。不倦。而古今山川形勢。又瞭如指掌。揮麈良久。各恨相見晚。不覺東方之既白矣。嗣後凡

詩酒宴會輒敦請老者與席老者宗崑山顧炎武學頗能發揮民族思想之精義人多  
趨之往來既稔與先大父交尤密往往抵掌譚身世激昂慷慨有古烈士風且賞出其  
手輯家乘相示先大父瀏覽之餘豐然起敬始知青山碧水中有一部血肉橫飛之亡  
國傷心史在也

黃之先世某碩儒也貢盛名於江浙間一子名成業年十二聘四明王氏女未娶也王  
本四明望族祇此掌中珠極愛憐之幼侍父弄筆硯穎悟異常兒書翰過目輒了了其  
父嘗曰吾有此中耶女不患伯道無兒矣王爲人又沈毅有大志時賊氛遍野四野鼎  
沸常抱手無斧柯之歎及燕京既陷馬士英阮大鍼輩擁立福王於陪都二人利王之  
昏庸表裏爲奸羣疑滿腹史閣部憂之乃自開府揚州以防清兵之南下卒以孤軍陷  
重圍不敵而死福王被執魯王則由台州入紹興王聞之喜曰大丈夫殺身報國此其  
時乎乃擗橈家財率邑中精壯數百人同兵部尙書朱某吏部員外郎錢某等迎立魯  
王於紹興定海總兵王之仁石浦遊擊張名振等以海軍應劉錢塘江東岸以守聲勢  
大振老弱婦女舉欣欣然有喜色而相告曰此其吾族恢復之曙光乎魯監國元年（

順治三年六月因濫王已以杭州降錢塘江之潮卒不能限清兵戎馬之迹紹興不守張名振以舟師扈王入舟山島爲進取地而王某則率其部下退守於四明山寨以爲聲援蓋四明山與舟山島遙相連絡而便於攻守者也部署既定張名振以舟師扼吳淞崇明以斷清兵南下之水道王某則用兵西南路頻破新昌上虞使胡人不敢東向而牧馬交通閩粵經略蘇松其功固不在禹下也監國六年清將軍某及總兵劉某由水陸兩路窺四明經十餘日最劇烈之巷戰被禍者難縷指計自八月十四日軍破王某遂被捕魯王與張名振僅以身免乃由吳淞方面揚帆南下往依廈門鄭成功於是而四明乾淨土盡歸滿奴掌握中矣

王某之被捕也清總兵劉某以彼積年抗命恨之刺骨乃不令其遽死聚而射之或中肩或中額或中肘脅血液淋漓慘不忍觀彼毫不爲動矢洞胸者凡三次如貫植木清兵大懼梟其首始仆並聞其在獄時每日束幘掠髮無愁苦容祇正色謂守卒曰使若輩得復覩漢官威儀寧非幸事蓋守卒皆漢人滿奴之獵獒也其從容就義有如此先是王之投筆從戎也挈妻孥以從女時年十六常佐父治軍需凡詔檄公牘多出其